

---

Saksnr: 2021/16174-3  
Saksbehandlar Elin Golten  
Dato: 08.04.2021

---

---

**Til:** Hovudutval for kultur, idrett og integrering

---

**Frå:** Fylkesdirektør for kultur, idrett og inkludering

---

## Tilskot frå Nasjonalbiblioteket til utviklingsprosjekt i Vestland fylke

Vestland fylkeskommune fekk i april 2021 tildeling til to prosjekt knytt til Nasjonalbiblioteket si utlysing av midlar til utviklingsprosjekt i folkebibliotek, fag- og fylkesbibliotek. I tillegg var fylkeskommunen deltakar på to andre prosjekt som også fekk tildeling. Tiltaksmidlane er ein del av Nasjonal bibliotekstrategi 2020–2023, og satsingsområda i denne tildelingsrunden var samarbeid, berekraft og open forskning.

Desse prosjekta fekk tilskot:

### *Å Vestland, Vestland! - nye og revitaliserte samarbeid i eit nytt fylke*

Tildeling: kr 300 000 i 2021. Forventa tildeling på kr 200 000 i 2022.

Søkjjar: Vestland fylkeskommune

Prosjektet har som mål å styrke tenestene til bibliotekbrukarane i fylket gjennom nye former for samarbeid, revitalisering av eksisterande samarbeid, og etablering av ein ny digital samarbeidskultur. Interkommunalt biblioteksamarbeid er ei viktig kjelde til fagleg utvikling. Samarbeida fungerer som lærande nettverk, og bidrar både til felles ressursutnytting, betre bibliotektenester og til styrka kompetanse. Som følgje av kommune- og regionreforma er det behov for å vurdere dei eksisterande regionale samarbeida på nytt. Eit større kollegium kommunalt og regionalt dannar også nye rom for samarbeid.

### *Kortreist kunnskap i kombinasjonsbibliotek*

Tildeling: kr 125 000 i 2021.

Søkjjar: Vestland fylkeskommune i samarbeid med kommunane Fitjar, Gloppen, Stadt, Stryn, og Bergen.

I prosjektet skal dei fem kommunane i Vestland som har kombinerte folke- og skulebibliotek i vidaregåande skule, med utgangspunkt i breidda av dei samla ressursane på kvart bibliotek, utvikle betre tilbod og tenester til brukarar i lokalsamfunnet og til elevar og tilsette ved skulen. Prosjektet skal utforske nye måtar å samarbeide på mellom folke- og skulebiblioteket for å synleggjere folkebiblioteka sitt innhald som opplysnings- og danning sinstitusjonar for skulen, og skulen sin kompetanse for folkebiblioteket sine brukarar.

### *LESEDIGG: Digital litteraturside for barn*

Tildeling: kr 300 000 i 2021.

Søkjjar: Nynorsk kultursentrum i samarbeid med Vestland fylkeskommune, LNK, Nynorsksenteret,

Framtida junior, Pirion, og folke- og skulebibliotek på Vestlandet.

I prosjektet vil ein gå saman om å utvikla ei digital litteraturside som rettar seg mot barn på barnetrinnet. Målet er å få fleire til å lesa, styrka lesekompetansen og gjera litteraturen lettare tilgjengeleg for barn. Innhald skal kunna integrerast på eksisterande biblioteknettsider både for folke- og skulebibliotek.

*Felles drift av digitale innholdstjenester*

Tildeling: kr 950 000 i 2021.

Søklar: Vestfold og Telemark fylkesbibliotek i samarbeid med fylkesbiblioteka i Agder og Rogaland. Vestland fylkeskommune bidreg som støttespelar saman med sju andre fylke. Prosjektet tek sikte på å lage ein modell for felles anskaffing og drift av digitale innhaldstenester, i tillegg til marknadsføring, statistikk-handtering, kursing av tilsette, og teknisk utvikling knytt til sluttbrukaren si oppleving av innhaldstenesta. Ein vil bidra til å utjamne det digitalt bibliotektilbod i landet, profesjonalisere anskaffing og styrke forbrukarmakta til biblioteka. Prosjektet vil dekke innhaldstenester som ikkje allereie er dekkja av Nasjonalbiblioteket.